

## **Publicaziuns officialas dils 29 da matg 2026**

### **Vischnaunca Trun**

#### **Serrada via Val Sura – Uaul Zavràgia**

A partir dils 18 da matg entscheivan las lavurs vid la via Val Sura. Las lavurs cuozzan prevedentamein entochen il settember. Duront quei temps ei la via naven dil plaz grond entochen la Zavràgia serrada per il traffic motorisau. Pedunzs e velos san passar il plazzal.

*Uffeci forestal Trun*

#### **Serrada dall'administraziun communal sur Sontgilcrest**

L'administraziun communal resta serrada ils suandonts dis:

Gievgia, ils 4 da zercladur 2026

Venderdis, ils 5 da zercladur 2026

Bien engraziament per la capientscha.

*Administraziun communal Trun*

#### **Vischnaunca Trun: Procedura d'approvaziun dals plans per installaziuns a current ferm**

Exposiziun publica dals plans

Project nr. L-2618426.1

Cabel da 24 kV tranter las staziuns da transformaziun 7166 Trun Staziun e 126 Trun Cluis –nova colliaziun da cables Coordinatas: davent da 2718709 / 1178052 fin a 2718418/ 1177879

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survert.

Dumonda da: Repower AG Surselva , Via Santeri 74, 7130 Ilanz

#### **Exposiziun publica:**

Ils documents da dumonda vegnan exponids publicamain dals 28 matg 2026 fin ils 29 zercladur 2026 en la Administraziun communal Trun, u pon vegnir consultads en furma electronica sin:

<https://esti-consultation.ch/pub/7206/dbf5a8fabd> . Relevantants èn mo ils documents ch'èn exponids en la vischnaunca menziunada qua survert.

L'exposiziun publica chaschuna in scumond d'expropriaziun tenor ils artitgels 42 fin 44 da la Le-scha federala d'expropriaziun (LExp; CS 711). Sche l'expropriaziun tanghescha contracts da locaziun e da fittanza che n'èn betg prenotads en il register funsil, ston las locaturas ed ils locaturs communitgar quai a lur locatarias e locataris resp. las affittadras ed ils affittaders a lur fittadinas e fittadins immediatamain suenter ch'ellas ed els han survegnì l'avis personal. Plinavant

ston ellas ed els infurmar l'exproprianta davart talas relaziuns da locaziun e da fittanza (art. 32 al. 1 LExpr).

Protestas:

Tgi ch'è partida tenor las prescripziuns da la Lescha federala davart la procedura administrativa (LFPA; CS 172.021), po far protesta durant il termin d'exposiziun tar l'Inspecturat federal d'installaziuns a current ferm, Projects, Luppmenstrasse 1, 8320 Fehraltorf.

Questa protesta po vegnir inoltrada u en scrit u sin via electronica. En quest ultim cas sto la protesta ademplir las directivas davart las inoltraziuns electronicas e sto tranter auter cuntegnair ina sottascripziun electronica qualifitgada (cf. art. 5 fin 7 da l'Ordinaziun davart la communicaziun electronica entaifer ina procedura administrativa [CS 172.021.2]). Tgi che na fa betg protesta entaifer il termin, è exclus da l'ulteriura procedura.

Tgi ch'è partida tenor las prescripziuns da la LExpr, po far valair durant il termin d'exposiziun tut las dumondas tenor l'artitgel 33 LExpr. Quai èn principalmain:

- a. protestas cunter l'expropriaziun;
- b. dumondas tenor ils artitgels 7–10 LExpr;
- c. dumonda d'ina prestaziun en naturalias (art. 18 LExpr);
- d. dumonda d'ina extensiun da l'expropriaziun (art. 12 LExpr);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er las locatarias ed ils locataris, las fittadinas ed ils fittadins sco er las possessuras ed ils possessurs dals dretgs da servitut e las credituras ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che duai vegnir exproprià, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspecturat federal d'installaziuns a current ferm  
Projects  
Luppmenstrasse 1  
8320 Fehraltorf

*Uffizi d'energia e da traffic dal Grischun  
Partiziun per la producciun ed il provediment d'energia*

**Pleiv catolica romana Trun**

**Invit alla radunonza generala, mesjamna, ils 3 da zercladur 2026** allas 20.00 uras en l'aula en casa da scola, Trun.

**Tractandas:**

- 1 Beinvegni ed elecziun da dus dumbravuschs
- 2 Protocol
- 3 Rapport
  - a) dil president
  - b) digl administratur

4 Rendaquen

- a) rapport dil cassier
- b) rapport da gestiun
- c) approbaziun e conclus da scarica

5 Rendaquen dallas fundaziuns

- a) rapport dil plevon
- b) rapport da gestiun
- c) approbaziun e conclus da scarica

6 Preventiv

7 Fixar il pei da taglia

8 Rapport dil president dil cussegl pastoral

9 Elecziuns

- a) actuarA
- b) presidentA dil Cussegl pastoral
- c) suppleantA al parlament dalla Baselia catolica dil Grischun

10 Orientaziuns

11 Varia

Dallas tractandas 2-6 ed 8 san ins prender investa odem las baselgias da Trun, Schlans e Zignau.

*Cordialmein envida la suprastanza*